

Ar ddydd Mawrth, 17eg Chwefror 2009 cynhaliwyd Cyfarfod o Gyngor Cymuned Trefeurig yn Ffestri Horeb, Penrhyncoch am 7.00 pm

PRESENNOL: Y Cyng. R Owen (Cadeirydd); Mrs E Davies; T Lewis; D Sheppard; T Davies; D Jones a'r clerc. Roedd y Cyng. Sir, D Suter yn bresennol hefyd

2432 Derbyniwyd ymddiheuriadau am absenoldeb oddi wrth y Cyng. Mrs K Walker (oedd yn mynychu Cyfarfod Grŵp Cyswllt Cymunedol Airticity yn Nhalybont, fel cynrychiolydd Cyngor Trefeurig); D M Hughes; Mrs G Price; D R Morgan ac M Evans

2433 Materion Personol: Dim

2434 Datgan buddiant personol/rhagfarnol: Cofnod 2451 Ceisiadau am Grant: Fel aelodau/cyfranogwyr datganodd y Cyng. Mrs Davies a T Davies fuddiant personol yn - Cae Chwarae Penbont: Grŵp Datblygu Ysgol Trefeurig; Grŵp Tai Chi Penbont a Sesiynau 'Extend' Trefeurig. Fel Ymddiriedolwr datganodd y Cyng. T Lewis fuddiant yng nghais Neuadd y Penrhyn ac ni chymerodd ran yn y drafodaeth. Fel Aelodau o'r Pwyllgor, datganodd Y Cyng. R Owen a T. Lewis fuddiant yn Apêl Steddfod yr Urdd 2010.

2435 Cadarnhau Cofnodion: PENDERFYNWYD cadarnhau'r Cofnodion fel cofnod cywir o'r Cyfarfod a gynhaliwyd ar 20 Ionawr 2009. Trafodwyd y materion canlynol oedd yn codi o'r Cofnodion:

Cofnod 2408 Map Cymuned Trefeurig: Cywirwyd y broflen ddrafft gan y Cyng. R Owen a dylai'r map newydd gyrraedd cyn diwedd Mawrth.

Cofnod 2409 Grŵp Cyswllt Cymunedol Airticity: Cadarnhaodd y Cyng. R Owen ei fod ef a'r Is-gadeirydd yn fodlon gyda geiriad diwygiedig y Cynllun Cyswllt Cymunedol a Chylch Gwaith y Grŵp Cyswllt, a'i fod wedi awdurdodi'r Cyng. Walker i arwyddo'r dogfennau ar ran Cyngor Trefeurig.

Cofnod 2416 Shelter Cymru: Oherwydd yr ansicrwydd ynghylch y man cwrdd ar gyfer mis Chwefror, gohiriwyd y gwahoddiad i Shelter Cymru fynychu'r cyfarfod. Cyflwynwyd adroddiad manwl o'r gwaith a wneir gan Shelter Cymru i'r aelodau gan y Cyng. D Sheppard.

2436 Adroddiadau ar Gyfarfodydd a fynychwyd gan Aelodau fel cynrychiolwyr y Cyngor Cymuned:

Grŵp Datblygu Ysgol Trefeurig – Cyfarfod 17eg Chwefror 2009: Adroddodd y Cyng. R. Owen fod cyfarfod GDYT yn gwrthdaro gyda chyfarfod Chwefror y Cyngor Cymuned a'i fod wedi anfon ei ymddiheuriadau.

Cyfarfod Un Llais Cymru yn Aberaeron 20 Ionawr 2009: Mewn adroddiad ysgrifenedig dwedodd y Cyng. K Walker fod y Siaradwr o Swyddfa Archwilio Cymru, wrth drafod materion amrywiol, wedi pwysleisio mai'r Cyngor sy'n gyfrifol am wirio'r holl drafodion ariannol a wneir gan y clerc ar eu rhan; yr angen i sicrhau bod yna bwerau cyfreithiol y tu cefn i unrhyw wariant a bod y Cofnodion yn gywir a chyfoes. Pwyllgor Adnewyddu Neuadd y Penrhyn: Mewn adroddiad ysgrifenedig dwedodd y Cyng. K Walker fod yr holiadur i ganfod ymrwymiad y Gymuned i gefnogi Neuadd y Pentref dros y tymor hir wedi'i ddisbarthu ledled Cymuned Trefeurig. Byddai'r Pwyllgor yn ddiolchgar pe bai Cynghorwyr yn annog trigolion i gwblhau a dychwelyd yr holiadur.

Hyfforddiant Cod Ymddygiad: Mewn adroddiad ysgrifenedig cadarnhaodd y Cyng. K Walker ei bod a'r Cyng. Melvyn Evans wedi mynychu'r Sesiwn Hyfforddiant yn Aberystwyth ar 28ain Ionawr.

Derbyniwyd ac ystyriwyd yr ohebiaeth/dogfennau canlynol

2437 Crynodeb o ymateb Cyngor y Dref/Cymuned i gynigion Plaid Werdd Aberystwyth ar gyfer gwella'r gwasanaeth bysys yng Ngheredigion (Amg. B): Cafodd pob aelod gopi o'r adroddiad. PENDERFYNWYD ei dderbyn.

2438 Pen Llŷn a'r Sarnau (ACA): Cylchlythyr. PENDERFYNWYD ei ddisbarthu.

2439 Adran Gynllunio Ceredigion:

1) Hysbysiad bod yr amser a ganiateir i Gynghorau ymateb i Geisiadau Cynllunio i'w gwtogi o 21 diwrnod i 14 diwrnod. PENDERFYNWYD trafod hyn gydag Un Llais Cymru

2) Dogfen ymgynghorol ar y set arfaethedig o ffurflenni cais cynllunio safonedig cenedlaethol (1APP) sydd ar fin cael eu cyflwyno. PENDERFYNWYD eu derbyn.

3) Gwahoddiad i Ymgynghoriad Cyn Adneuo Dogfennau'r Cynllun Datblygu Lleol – Ysgol Penweddig 4ydd Mawrth 2009. PENDERFYNWYD enwebu'r y Cyng. M Evans a K Walker i'w fynychu.

- 2440 Adran Amgylcheddol Ceredigion - Taflen Gyfarwyddyd ar gyfer perchnogion cŵn:** PENDERFYNWYD cael copïau ychwanegol i'w harddangos pan fyddant ar gael a gofyn ynghylch arwyddion.
- 2441 Garddwest Frenhinol:** Gwahoddiad i'r Cadeirydd i roi ei enw yn yr het ar gyfer Garddwest 2009. PENDERFYNODD y Cadeirydd beidio â gwneud hynny.
- 2442 Hysbysiad gan Un Llais Cymru ynghylch y Gweithdy Gefeillio UE yn Llandrindod ar 18//3/09.** PENDERFYNWYD ei nodi.
- 2443 Copi o Briff y Cyngor Lleol ar gyfer 2009 gan yr Archwilwyr Allanol BDO Stoy Hayward.** PENDERFYNWYD ei dderbyn a'i nodi.
- 2444 Adroddiad ar y Cynllun Partneriaeth Llywodraeth Leol:** PENDERFYNWYD y bydd y Cyng. Owen yn ei ddarllen ac yn cyflwyno adroddiad.

Am 8.10 pm daeth preswlydd lleol sydd â gwybodaeth arbenigol a diddordeb yn y gwasanaeth Band Eang o fewn Cymuned Trefeurig i'r Cyfarfod. Gohiriwyd cyfarfod y Cyngor a gwahoddiwyd Dr King i annerch yr Aelodau.

Gan esbonio'r anawsterau a gafwyd i gael derbyniad Band Eang yn rhannau o'r Gymuned, cynigiodd Dr King fynd ati i geisio sicrhau Grant gan Lywodraeth Cynulliad Cymru i alluogi BT i ddiweddarau'r llinellau ffôn presennol. Gallai hynny wella'r gwasanaeth rhyngwyrdd i nifer o drigolion. Yn dilyn sesiwn holi ac ateb byr, diolchwyd i Dr King am ei wybodaeth a gadawodd y Cyfarfod am 8.30 pm. PENDERFYNWYD gosod yr eitem hon ar Agenda'r cyfarfod nesaf.

Cyn i Gyfarfod y Cyngor ailddechrau, soniodd y Cyngorydd Sir D Suter am ei ymdrechion i berswadio Ceredigion i raeanu mwy o ffyrdd gwledig. Roedd yn flin ganddo ddweud na chafodd lawer o lwyddiant o ganlyniad i ddiffyg adnoddau ac arian. Ynghylch y biniau graean, awgrymodd fod y Cyngor yn ail-gyflwyno'i gais am y rhain yng ngoleuni'r anawsterau a gafodd gyrwyr yn ystod y rhew a'r eira'n ddiweddar. Gadawodd y Cyng. Suter am 8.50 pm ac ailddechreuodd Cyfarfod y Cyngor.

Materion Ariannol

- 2445 Llywodraeth Cynulliad Cymru – Canllawiau i Gynghorau ar Fenthyca at Ddibenion Cyfalaf:** Trafodwyd y dogfennau. PENDERFYNWYD eu nodi a'u derbyn.
- 2446 Refeniw a Thollau EM:** Hysbysiad ynghylch taliad BACS ar 28.01.09 o £611.52 ad-daliad TAW ar gyfer y cyfnod 01/02/08 – 31/01/09
- 2447 HSBO – Balans yn y banc ar 17/02/09: £8310. 24**
- Gwiriwyd yr anfonebau canlynol a chytunwyd i'w talu:**
- 2448 L Griffiths – Costau cyfieithu Ionawr 2009:** £90.05. Siec 893
- 2449 Grŵp Datblygu Ysgol Trefeurig:** Hurio ystafell ar gyfer cyfarfod Ionawr: £10. Siec 895.
- 2450 Eglwys Horeb:** Hurio ystafell ar gyfer Cyfarfod Chwefror: £10. Siec 896.

2451 Ceisiadau am Grant ar dderbyniwyd ar gyfer y flwyddyn yn diweddu 31 Mawrth 2009 (Amg. C)

(Y cyfanswm taladwy dan A137 o Ddeddf Llywodraeth Leol 1972 ar gyfer y flwyddyn ariannol bresennol yw £8,040)

Rhoddiwyd rhestr o'r ceisiadau a dderbyniwyd i bob aelod. PENDERFYNWYD ystyried y ceisiadau hynny oedd â mantolen ddiweddar ynghlwm yn unig; peidio â rhoi mwy na'r £3,400 a glustnodwyd ar gyfer rhodd-daliadau o fewn y gyllideb a nodi dan pa bŵer y gwneir y rhodd-daliad. Roedd y ceisiadau canlynol yn llwyddiannus:

<u>Ymgeisydd</u>	<u>Prosiect Rhif y</u>	<u>Rhodd-daliad</u>	<u>Pŵer</u>
Cae Chwarae Penbont	Cronfa ail-osod offer	250	a.19 DLIL 76
	897		

Gr. Datbl. Ysgol Trefeurig Cylchlythyrau 898	200	a.137DLIL
Clwb Tai Chi Penbont Ymarfer ar ffurf loga 899	150	a.145 DLIL
Grŵp 'Extend' Trefeurig Ymarfer ar gyfer bobl hŷn 900	150	a.137 DLIL
Neuadd y Penrhyn Yswiriant a chostau glanhau	750	a.133. DLIL 72 901
Clwb P/D Penrhyncoch Hyfforddiant ieuencid	500	a.19 DLIL 76 902
PATRAS Cynnal a chadw'r ffensio/sglefrio	500	a.19 DLIL 76 903
Grŵp Ymddeolwyr P/coch Siaradwyr/hurio stafell	150	a.137 DLIL 72 904
Eisteddfod yr Urdd Apêl Ardal Trefeurig	200	a.145 DLIL 72 905
Cartref Tregerddan Cymorth i'r trigolion	250	a.137 DLIL 72 906
Ambiwllans Awyr Cymru Cynnal y gwasanaeth	300	a.137 DLIL 72 907

2452 Asesiad Risg ac Adolygu Rheolaeth 2008/09 (Amg. D)

Cynhaliwyd asesiad risg yn seiliedig ar y rhestr wirio a awgrymwyd gan yr Archwilwyr Allanol. Roedd hwn yn cynnwys ffactorau risg posib; dulliau presennol o reolaeth fewnol a chynigion ar gyfer gwella dulliau o reoli risg.

Roedd yr asesiad yn cynnwys adolygiad o ddigonolrwydd yr yswiriant presennol, y drefn ar gyfer rheoli cyllid y Cyngor gan gynnwys adolygiadau cyllideb a threfniadau bancio; yr angen i archwilio'r holl drosiannau ariannol i sicrhau eu bod yn gywir a chyfreithiol; i gofnodi ac adhawlio taliadau TAW, ac i nodi'n glir yn y Cofnodion unrhyw benderfyniadau a wneir.

Cadarnhawyd bod y Cyngor yn cadw golwg ar Archebion Sefydlog; bod taliadau a wneir ar gyfer teithio a chyflog ar y raddfa a argymhellir; bod y Cynllun Cyhoeddi Gwybodaeth Enghreifftiol a'r Cod Ymddygiad wedi'u mabwysiadu, a bod cofnod o ddatgan buddiant ar gael. Mae yna drefn Gwyno yn ei lle ac mae'r Cyngor yn cadw at y Ddeddf Rhyddid Gwybodaeth.

Ar ddiwedd y drafodaeth PENDERFYNWYD parhau i fonitro a gwella trefniadau rheoli risg y Cyngor.

2453 Nodwyd y penderfyniadau cynllunio canlynol:

A081122 56 Glanceulan, Penrhyncoch - estyniad a gwelliannau - rhoddwyd caniatâd

A081167 Plas Gogerddan, Penrhyncoch – dileu'r amod cynllunio - caniatwyd

2454 Rhoddwyd ystyriaeth i'r ceisiadau cynllunio canlynol:-

A090064 Llain ger Awelon, Cefnllwyd – codi annedd a stordy. Mynegodd y Cyngor ei gefnogaeth i'r cais.

2455 Cynhelir Cyfarfod nesaf y Cyngor ar ddydd Mawrth, 17 Mawrth 2009 am 7.00 pm yn Hen Ysgol Trefeurig

2456 Cytunwyd i gynnwys yr eitemau canlynol ar yr agenda nesaf:

Ymyl y ffordd yn erydu ym Mhenbontrhydybeddau – Ceisio cymorth Elin Jones AC i berswadio Ceredigion i wneud y ffordd yn fwy diogel, ac os oes angen, i drefnu cyfarfod ar y safle.

Daeth y Cyfarfod i ben am 9.55 pm.